




ԵԿԵՂԵՑԱԿԱՆ ԲԵՄ. ԼՈՒՐԵՐ

Ապրիլի 1-ին, կիրակի.—Ձ կիրակի քառասնորդական Պահոց (Գալստեան).

Այսօր Մայր տաճարում, փակ խորանի վրա, ս. պատարագ է մատուցում տ. Մանուկ քհն. Մարգարյանը, և «Հայր մեր»-ից առաջ «Տուր մեզ Փրկիչ զողորմություն և զմեղացս զթողություն» (շարական) բնաբանով քարոզ է խոսում տ. Ավագ վրդ. Ասատուրյանը:

Ս. պատարագին մերկա էր Վեհափառ Հայրապետը:

.*.*

Ապրիլի 4-ին, չորեքշաբթի.—Այսօր, Վեհափառ Հայրապետին և Մայր Աթոռին հրաժեշտ տալով, Տորոնտո (Կանադա) մեկնեցին Մայր Աթոռի միաբան տ. Արիս եպս. Թիրվանյանը, դոկտ. Վարդան Այնաջյանը, պարոնաչք Պետրոս Մուշյանը և Արմեն Բյուրքնյանը, որոնք ուխտավորաբար մեկ շաբաթ գտնվում էին Մայր Աթոռում և հայրենիքում:

.*.*

Նույն օրը, երեկոյան ժամը 20.30-ին, Վեհարանում տեղի է ունենում միաբանական հերթական հավաքույթ:

Հավաքույթին մերկա էր Վեհափառ Հայրապետը:

.*.*

Ապրիլի 8-ին, կիրակի. Մաղկազարդ.

Այսօր Մայր տաճարում, Ավագ խորանի վրա, ս. պատարագ է մատուցում տ. Գրիգորիս վրդ. Բունիաթյանը, որը «Հայր մեր»-ից առաջ քարոզում է «Զի որպէս փառական, որ եղանէ յարեւելից և երևի մինչև յարևմուտս, այնպէս եղիցի գալուստն Որդւոյ մարդոյ» (Մատթ. ԻԴ 27) բնաբանով:

Ս. պատարագին մերկա էր Վեհափառ Հայրապետը:

.*.*

Նույն օրը, երեկոյան ժամը 17.30-ին, Մայր տաճարում տեղի է ունենում Դոնքացեքի ավանդական արարողություն՝ մախագահությամբ լուսարարապետ տ. Հուսիկ արքեպ. Սանթրոյանի:

.*.*

Ապրիլի 9-ին, երկուշաբթի.—Այսօր, երեկոյան ժամը 20.30-ին, հոգևոր ճեմարանի հանդիսությանց դահլիճում տեղի է ունե-



նում դասախոսություն՝ առողջապահության վերաբերյալ: Ժամանակակից մի քանի հիվանդությունների մասին դասախոսում է Էջմիածին քաղաքի վաստակավոր բժշկուհի Թամարա Ավետիսյանը:

Վերջում հարգելի բժշկուհին պատասխանում է ուսանողների հարցերին:

* *

Ապրիլի 11-ին, չորեքշաբթի.—Այսօր, երեկոյան ժամը 20.30-ին, Վեհաբանում տեղի է ունենում միաբանական հերթական հավաքույթ, որի ընթացքում տ. Գրիգորիս վրդ. Բունիաթյանը ներկայացնում է վերջերս ֆրանսերեն լեզվով լույս տեսած հայ կաթողիկե հոգևորական Կարապետ եպս. Ամատունու «Հայ եկեղեցին և կաթողիկոսությունը» գիրքը:

Վերջում հայր սուրբը պատասխանում է միաբանների հարցերին:

* *

Ապրիլի 12-ին, հինգշաբթի.—Առաջ հինգշաբթի: Յիշատակ ընթերցաց Տեառն մերոյ Յիսուսի Քրիստոսի.

Այսօր Մայր տաճարում, Ավագ խորանի վրա, միջօրեի ա. պատարագ է մատուցում տ. Մոմիկ վրդ. Սարգսյանը:

* *

Նույն օրը, երեկոյան ժամը 17-ին, Մայր տաճարում լուսարարապետ տ. Հուսիկ արքեպ. Սանթրոսյանը կատարում է Ուղևորների կարգը:

Ժամը 19-ին սկսվում է մեր Տիրոջ՝ Հիսուսի Քրիստոսի սուսկալի չարչարանաց և խաչելության հիշատակին նվիրված Ավագ ուրբաթի հսկման արարողությունը: «Փառքի քարձուն»-ից առաջ քարոզում է տ. Հուսիկ արքեպ. Սանթրոսյանը՝ խոսելով Հիսուսի մատուցության, խաչելության և հոգևոր փրկագործության նշանակության մասին:

* *

Ապրիլի 13-ին, ուրբաթ.—Առաջ ուրբաթ.

Այսօր, երեկոյան ժամը 17-ին, Մայր տաճարում կատարվում է Թաղման կարգը և ապա Թափոր թաղմանն՝ հանդիսադրությամբ տ. Սիոն արքեպ. Մանուկյանի:

* *

Ապրիլի 14-ին, շաբաթ.—Առաջ շաբաթ. մրագալոյց Զատիկ.

Այսօր, երեկոյան, Մայր տաճարում մրագալոյցի ա. պատարագ է մատուցում տ. Գարեգին արք. Ներսիսյանը:

Ա. պատարագին ներկա էր Վեհափառ Հայրապետը:

Ա. պատարագից առաջ հոգևոր ճանարանի ուսանող սարկավագները ընթերցում են Դանիելի գիրքը: Հավարտ ա. պատարագի Վեհափառ Հայրապետի նախագահությամբ կատարվում է Զատիկի նախատոնակ: Այնուհետև Մայր Աթոռի միաբանությունը Վեհաբանում շնորհավորում է Նորին Սրբությանը Զատիկի նախատոնակի առթիվ:

Երեկոյան ժամը 20.30-ին Մայր Աթոռի միաբանական սեղանատանը տեղի է ունենում Նավակատիքի ավանդական ընթերիք:

* *

Ապրիլի 15-ին, կիրակի.—Զատիկ: Յարութիւն Տեառն մերոյ Յիսուսի Քրիստոսի.

Այսօր Մայր տաճարում հանդիսավոր ա. պատարագ է մատուցում տ. Հուսիկ արքեպ. Սանթրոսյանը: «Հայր մեր»-ից առաջ քարոզում է Վեհափառ Հայրապետը:

Հայոց Հայրապետի գատկական քարոզը նույն օրը, երեկոյան ժամը 23-ին, ձայնաւորվում է Երևանի ուղիղով:

Հայոց Հայրապետի գատկական քարոզը հրատարակվել է «Էջմիածին» ամսագրի սույն համարում, էջ 3:

* *

Նույն օրը, ժամը 14.30-ին, Վեհաբանի միաբանական սեղանատանը տրվում է ճաշկերույթ, որին ներկա էին Մայր Աթոռի ողջ միաբանությունը և այլ հրավիրյալներ:

* *

Ապրիլի 16-ին, երկուշաբթի.—Յիշատակ մենեղոց.

Այսօր Մայր տաճարում ա. պատարագ է մատուցում տ. Եղիշե քհն. Բաղրամյանը:

Հավարտ ա. պատարագի կատարվում է հոգեհանգիստ «Վասն համօրէն մեջեցելոց»:

* *

Ապրիլի 18-ին, չորեքշաբթի.—Այսօր, երեկոյան ժամը 20.30-ին, Վեհաբանում տեղի է ունենում միաբանական հերթական հավաքույթ:

Հավաքույթին ներկա էր Վեհափառ Հայրապետը:

*
*
*

Նույն օրը Բեյրութից ուխտավորաբար Մայր Աթոռ է ժամանում Մայր Աթոռի միաբան տ. Գնել եպս. Շերեքյանը, որը, Մայր տաճարում իր ուխտը կատարելուց հետո, այցելում է Վեհափառ Հայրապետին:

Սրբազանին ընկերակցում էին Բեյրութի ծանոթ ազգայիններ տեր և տիկին Վահե Շերեքյանները՝ որպես ուխտավոր:

Այս առթիվ պրն. Վահե Շերեքյանը Վեհափառ Հայրապետին հանձնում է, որպես աջահամբույր, 10.000 դրամի մի գումար՝ ի պայծառություն Մայր Աթոռ ու Էջմիածնի:

*
*
*

Ապրիլի 19-ին, հինգշաբթի.—Այսօր, առավոտյան, հոգևոր ճեմարանի ուսանողները մեկօրյա շրջապատույտի մեկնեցին ու Գեղարդ և Գառնի պատմական վայրերը:

*
*
*

Ապրիլի 20-ին, ուրբաթ.—Այսօր, տասնօրյա զատկական արձակուրդից հետո, հոգևոր ճեմարանում վերականգնեցին դասավանդությունները:

*
*
*

Ապրիլի 22-ին, կիրակի.—Կրկնազատիկ (Նոր կիրակի).

Այսօր Մայր տաճարում, Ավագ սեղանի վրա, ու պատարագ է մատուցում տ. Սիոն արքեպ. Մանուկյանը և «Հայր մեր»-ից առաջ քարոզում «Ես իսկ եմ յարութիւն և կեանք, որ հաւատայ յիս, թէպէտ և մեռանի՝ կեցցե» (Յովհ. ԺԱ 25) բնաբանով:

Ս. պատարագին ներկա էր Վեհափառ Հայրապետը:

*
*
*

Նույն օրը, ժամը 14.30-ին, Վեհաբանի սեղանատանը կազմակերպվել էր ընդունելություն, որին ներկա էին տ. Սիոն, տ. Հուսիկ, տ. Գնել սրբազանները, Լոնդոնի ու Պետրոս եկեղեցու համայնքային եկեղեցական վարչության անդամներ պրն. Հարություն Այվազյանը և պրն. Տիրան Ուզունյանը, որոնք ուխտավորաբար գտնվում էին Մայր Աթոռում, ինչպես նաև Բեյրութից տեր և տիկին Շերեքյանները:

Ընդունելության ժամանակ Վեհափառ Հայրապետը ողջունեց ներկայությունը Գնել սրբազանի, լոնդոնահայ պարոնաք Հարություն Այվազյանի և Տիրան Ուզունյանի:

Այս առթիվ Հայոց Հայրապետը, Իր օրհնությունը բաշխելով տեր և տիկին Շերեքյաններին, պրն. Վահե Շերեքյանի կուրծքը զարդարեց ու Գրիգոր Լուսավորչի Ա կարգի ականակոտ շքանշանով, որպես Մայր Աթոռի երիտասարդ քարեքարի:

*
*
*

Ապրիլի 24-ին, երեքշաբթի.—Յիշատակ բիրտառ մահատակացն մերոց, որք կատարեցան յընթացս Համաշխարհային առաջին պատերազմի:

Այսօր, առավոտյան ժամը 10.30-ին, Վեհափառ Հայրապետը, ի գլուխ Մայր Աթոռի միաբանության, բարձրացավ Ծիծեռնակաբերդ՝ «Հոգւոց» արտասանելու Ապրիլյան եղեռնի քյուրավոր հայ մահատակաց խընկելի հիշատակին, այնուհետև գեղեցիկ ծաղկեպսակ դրեց հուշարձանի առաջ:

Այս առթիվ Հայոց Հայրապետին ընկերակցում էր նաև Հայկական ՍՍՀ Միմիստըրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

*
*
*

Նույն օրը, ժամը 11-ին, Մայր տաճարում ու պատարագ է մատուցում տ. Գրիգորիս վրդ. Բունիաթյանը, որը «Հայր մեր»-ից առաջ քարոզում է «Եթե ոչ հատն ցորենույ անկեալ յերկիր մեռանիցի, ինքն միայն կայ, ապա եթե մեռանիցի, քազում արդիւնս առնէ» (Յովհ. ԺԲ 24) բնաբանով:

Հավարտ ու պատարագի Մայր տաճարի հյուսիսային կողմում կանգնեցված Եղեռնի հուշարձանի առջև, Վեհափառ Հայրապետի նախագահությամբ, կատարվում է հոգեհանգստյան պաշտոն:

Ժամը 15-ին հոգևոր ճեմարանի ուսանողությունը, ծաղիկներ ձեռքներին, քազմահազար ուխտավորների հետ, բարձրանում է Ծիծեռնակաբերդ՝ խոնարհվելու մահատակաց հուշարձանի առաջ:

*
*
*

Ապրիլի 25-ին, չորեքշաբթի.—Այսօր, երեկոյան ժամը 20.30-ին, Վեհաբանում տեղի է ունենում միաբանական հերթական հավաքույթ, որի ընթացքում Վեհափառ Հայրապետը խոսում է դարասկզբի հայոց մեծ Եղեռնի և ներկա հայոց հայրենի վերածննդի մասին: Ոգեկոչելով Ապրիլյան եղեռնի մահատակների հիշատակը, Հայոց Հայրապետը զեղեց, որ այսօրվա մեր վերա-

ծնված մայր հայրենիքը գեղեցկագույն հուշարձանն է մեր նահատակներին՝ հայրենական վերածննդի այս խոստումնալից օրերին:

* *

Ապրիլի 29-ին, կիրակի.—Աշխարհամատրան (Կանաչ կիրակի).

Այսօր Մայր տաճարում ս. պատարագ է մատուցում տ. Մանուկ քեն. Մարգարմանը:

«Հայր մեր»-ից առաջ «Ողիղ եղիցին առօթք մեր, որպես խունկ առաջի քո Տէր (Սաղմոս) քնաքանով քարոզ է խոսում Վեհափառ Հայրապետը:

Հաւարտ ս. պատարագի Հարավային Ա. մերիկայի հայրապետական պատվիրակ և Արգենտինայի հայոց առաջնորդ հանգույնալ տ. Բաբգեն արքեպ. Ապատյանի մահվան տարելիցի առթիվ կատարվում է հոգեհանգիստ՝ նախագահությամբ Վեհափառ Հայրապետի:

